

LETTRES  
PATENTES  
DV ROY, A CE QUE  
TOVS OFFICIERS, VSA-  
gers, & autres Priuilegiez, subiets  
à Confirmation, en prennent let-  
tres dans le derniers iour de Mars  
prochain.



A TOVRS;

Chez Iamet Mettayer Impri-  
meur ordinaire du Roy.

M. D. LXXX.

*Avec Priuilege dudit Seigneur.*





LETTRES PATENTES  
*du Roy.*

**E**N R Y par la grace de  
Dieu Roy de France & de  
Nauarre, A tous ceux qui  
ces presentes lettres verront  
Cómme par vne bonne & loüable  
coustume de tout temps & ancien-  
neté inuiolablement obseruée en ce-  
stuy nostre Royaume, ceux qui sont  
pourueuz des Estats & offices d'ice-  
luy, ayent accoustumé à vn nouuel  
aduenement à la Couronne, de venir  
prendre des lettres de confirmation de  
leursdits estats & offices, tant pour la  
seüreté d'iceux q pour seruir de quel-  
que preuue & tesmoignage, pour vne

telle recognoissance de l'obeyssance &  
 fidelité qu'ils veulēt porter à leur Roy  
 legitime & naturel, maintenant qu'il  
 a pleu à Dieu le createur par sa grande  
 bonté nous appeller à la succession de  
 ceste Couronne, voulans faire entre-  
 tenir lesdites coustumes & suyure le  
 chemin de noz predecesseurs. P O U R  
 CESTE CAUSE & autres bonnes &  
 iustes considerations à ce nous mou-  
 uans, auons voulu & ordonné, voulós,  
 ordonnons & nous plaist. Que tous &  
 chacuns noz subiets ayans estats & of-  
 fices en cestuy nostre Royaume, vsa-  
 gers & autres priuilegez subiets à con-  
 firmation, ayent à en venir prēdre noz  
 lettres seellées de nostre grand seel  
 dans le dernier iour de Mars prochai-  
 nement venant, voulans que nosdits  
 officiers qui ont esté pourueus de leurs  
 offices depuis l'institution du droit  
 du marc d'or, ayent à apporter avec la

coppie de leurs lettres, les coppies collationnées des quictances dudit droict de marc d'or qu'ils en auront payé: & afin que ceux que leur propre deuoir & obligation naturelle ne pourroit inciter de satisfaire promptement à ceste nostre volonté, y soient poussez par la crainte de perdre leurs estats & offices, enfraignât cestuy nostre commandement. Nous auons dit & déclaré, disons & declarons par ces presentes, signées de nostre propre main, tous lesdits estats & offices vsagers & autres, ainsi comme dict est, subiets à Confirmations, dont ceux qui en sont pourueuz ne seront venuz prendre nosdites lettres de confirmacions dans le temps cy dessus spécifié, vacās & impetrables pour y estre par nous pourueu, sans qu'ils se puissent plus entremettre en l'exercice d'iceux, en quelque façon & maniere que ce soit, ny

iouyr de leursdits vsages & autres pri-  
 uileges: cè que nous leur auons des à  
 present comme pour lors, tres-expres-  
 sement inhibé & deffendu, inhibons  
 & deffendons par celsdites presentes.  
 PAR LESQUELLES donnons en  
 mandemēt, à noz amez & feaux Con-  
 seillers, les gens tenans noz Courts de  
 Parlemens, chambre de noz Comptes,  
 Court des Aydes, Baillifs, Seneschaux,  
 leurs Lieutenans, & à tous noz autres  
 Iusticiers & Officiers qu'il appartiendra,  
 que celsdites presentes ils verifient,  
 facent lire, publier & enregistrer par  
 tout ou besoing sera, & le contenu  
 gardent entierement, obseruent & fa-  
 cent garder entretenir & obseruer in-  
 uiolablement sans permettre qu'il y soit  
 contreuenue en quelque façon où ma-  
 niere que ce soit, Car tel est nostre  
 plaisir. En tesmoing dequoy nous a-  
 uons fait mettre nostre seal à celsdites

presentes.

D O N N E' au camp d'Alençon, le  
vingtseptiesme iour de Decembre,  
l'ã de grace mil cinq cës quatre vingts  
neuf. Et de nostre regne le premier.

Signé,

H E N R Y.

Et sur le reply par le Roy, R V Z E'.

Et seellé du grand seau de cire iaune  
sur double queuë.

Plus est escrit sur ledit reply,

*Leuës, publiees & enregistrees, oy sur ce  
& requerant le Procureur general du Roy,  
sans approbation du droict de Marc d'or  
mentionné en icelle, & sans que pour raison  
d'iceluy puisse estre usé de contrainte, tant  
pour le passé qu'à l'aduenir. A Tours en Par-  
lement le quinziésme Ianuier, mil cinq cens  
quatre vingts & dix.*

Signé,

M A I G N E N.

Et sur lescdites lettres est encore escrit.

Leuës, publiees & registrees, oy, & ce  
 requerant le Procureur general du Roy, sans  
 approbation du droict de marc d'or mention-  
 né en icelles, & sans que pour raison d'iceluy  
 puisse estre vse de contrainte, tant pour le pas-  
 sé que pour l'aduenir, Et que le Roy sera sup-  
 plié tref-humblement que si à l'occasion des  
 troubles & difficultez des chemins, lesdits of-  
 ficiers priuilegez & vsagers ne pouuoient  
 prendre lettres de Cōfirmation dans le temps  
 prefix par ladite Declaration, lesdits offices  
 ne puissent estre vacans ne impetrable, ny les  
 priuilegez & vsagers priuez de leurs droits.  
 Faiët à Tours en la chambre des Comptes, le  
 dernier iour de Ianuier, mil cinq cens quatre  
 vingts dix.

Signé, BARTHELEMY.

